



# DESCRIPTION DV QUARTIER LE PLUS SEPTENTRIONAL D'ANGLETERRE, DV- QUEL LA RIVIERE DE NIEV-CASTEL EST LE PLUS renommé haure.

**P**remierement, il y a de Scharénburch iusques à VVithbuy N.O. quart à l'Oest quatre lieues, & c'est vne riuiere ou haure de Marée. Au costé du S. dudict haure s'estend vn ris ou sabloniere bien demie lieue vers Mer, Pour entrer des VVithbuy, il faut passer entre deux baques ou marques d'osieres, iusques ace qu'on vienne entre deux terres ou à peine vn nauire peut flotter, De VVithbuy iusques à Hertipole, il y a 7. lieues, & du costé d'Oest il y a vn grand Canal ou golfe nommé Teese, cest vn beau port ou haure, s'estendant vers le dedes Oest S.Oest, au milieu du haure est la profondeur de 30. toises: mais plus auant deuant Stockton n'est la profondeur que de quatre toises.

Item 7. lieues vers le N. de Hertipole gist le promontoire dict Sonderla; de la deux lieues vers le N. gist le Chasteau Tinmouth, la ou vers le S. la riuiere de Nieu-castel s'estend en dedens au Pais, les marques sont telles, à scauoir, que l'on met les deux tours d'eschaquettes & la touffe darbres l'un sur l'autre, & ainsi faisant on peut & entrer & sortir par la bouche ou entrée de ladicte riuiere iusques deuant le Village, la ou la profondeur est de 3. toises & demie, & par vne demie marée 2 toises, De Tinmouth iusques à Coket-ylant, dict en Flamen Coggen-Eylandt, il y a 7. lieues N.N.Oest, qui est nauigable a lentour, & bon fond pour ietter ancre sur 4. ou 5. toises.

La traficque & commerce dudict quartier de Nieu castel est fort abondante de Charbon dict Houille, qui dillec se transporte en tous autres Pais, il donne aussi force d'Orge, Froment, Griote, & gros Draps.